



Broj: JN1 11-03-26-337-23/25  
Datum: 17.03.2026. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24), a na osnovu preporuke Komisije za javne nabavke broj: JN1 11-03-26-337-22/25 od 17.03.2026. godine, a u postupku nabavke ugovaranja radova osnovnog održavanja objekta A001 MO BiH (JRJN 45216200-6), provedenog putem otvorenog postupka na osnovu Obavještenja broj 723-1-3-103-3-104/26 koje je objavljeno na Portalu javnih nabavki dana 16.02.2026. godine i Ispravke Obavještenja o nabavci broj: 723-1-3-103-8-106/26 koje je objavljeno 16.02.2026. godine, *donosi*,

## **O D L U K U**

### **o izboru najpovoljnijeg ponuđača**

#### **I**

Prihvata se preporuka Komisije za javne nabavke o izboru najpovoljnijeg ponuđača za javnu nabavku ugovaranja radova osnovnog održavanja objekta A001 MO BiH (JRJN 45216200-6) i dodjeljuje se ugovor/okvirni sporazum ponuđaču TESLALUKS d.o.o. Sarajevo, za ponuđenu cijenu od 85.379,00 KM bez PDV-a kao najbolje ocjenjenom u provedenom otvorenom postupku predmetne javne nabavke po TD JN1 11-03-26-337-4/25.

#### **II**

Ponuđač iz tačke I ove Odluke dužan je dostaviti original ili ovjerene kopije dokumentata iz člana 45. i člana 47. Zakona u roku od pet dana od dana prijema ove odluke. Dokumenti moraju biti dostavljivi do navedenog roka bez obzira na način dostavljanja i za ugovorni organ nije relevantno na koji su način dostavljeni.

#### **III**

Prijedlog ugovora o nabavci Sektor za nabavku i logistiku/Odsjek za ugovaranje, nabavku i prodaju dostavit će se na potpis izabranom ponuđaču TESLALUKS d.o.o. Sarajevo po protoku roka od 15 dana, računajući od dana od kada su svi ponuđači obavješteni o izboru najpovoljnije ponude.

#### **IV**

Za izvršenje ove odluke zadužuje se Sektor za nabavku i logistiku/Odsjek za ugovaranje nabavke i prodaje.

#### **V**

Ova odluka objavit će se na web stranici Ministarstva odbrane Bosne i Hercegovine [www.mod.gov.ba](http://www.mod.gov.ba).

#### **VI**

Ova odluka stupa na snagu danom donošenja i ista će se dostaviti svim ponuđačima u postupku javne nabavke.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: JN1 11-03-26-337-3/25 od 30.12.2025. godine.

Javna nabavka je sprovedena putem otvorenog postupka. Procijenjena vrijednost javne nabavke je 85.470,09 KM bez PDV-a.

Obavještenje o javnoj nabavci objavljeno je na portalu javnih nabavki dana 16.02.2026. godine, kada je objavljena i Ispravka obavještenja, a sažetak obavještenja o nabavci objavljen je u "Službenom glasniku BiH".

Komisija za nabavku imenovana je Odlukom broj: JN1 11-03-26-337-5/25 od 29.01.2026. godine. Komisija za nabavku dostavila je dana 10.03.2026. godine zapisnik o javnom otvaranju ponuda broj: JN1 11-03-26-337-15/25 od 10.03.2026. godine, te nakon izvršene ocjene i vrednovanja ponuda dostavila Zapisnik o radu broj: JN1 11-03-26-337-22/25 od 17.03.2026. godine.

U postupku javne nabavke ugovaranja radova osnovnog održavanja objekta A001 MO BiH (JRJN 45216200-6) utvrđeno je, da je Komisija za javnu nabavku pravovremeno i pravilno izvršila otvaranje ponuda i ocjenu ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupno pristiglo pet ponuda i to:
  1. ALPROM d.o.o. Sarajevo čija cijena ponude je 85.128,75 KM bez PDV-a i popustom od 0 %,
  2. Galbols d.o.o. Sarajevo čija cijena ponude je 85.350,15 KM bez PDV-a i popustom od 0 %,
  3. Dinalsa d.o.o. Sarajevo čija cijena ponude je 85.427,48 KM bez PDV-a i popustom od 0 %,
  4. D&D d.o.o. Sarajevo čija cijena ponude je 85.467,90 KM bez PDV-a i popustom od 0 %,
  5. TESLALUKS d.o.o. Sarajevo čija cijena ponude je 85.464,75 KM bez PDV-a i popustom od 0 %.
- da je od toga pravovremeno zaprimljeno pet ponuda,
- da nema nepravovremeno zaprimljenih ponuda,
- da su ponude ponuđača: **1. Dinalsa d.o.o. Sarajevo** i **2. TESLALUKS d.o.o. Sarajevo**, prihvatljive za ugovorni organ,
- da ponude ponuđača **1. ALPROM d.o.o. Sarajevo**, **2. GALBOLS d.o.o. Sarajevo** i **3. D&D d.o.o. Sarajevo** nisu prihvatljive iz sljedećih razloga:

1. Ponuda ponuđača: **ALPROM d.o.o. Sarajevo** je **nepravilna** za ugovorni organ zbog sljedećih razloga:

Ponuđač je na stranici 19 ponude u Obrascu za cijenu ponude – Aneks 3 dostavio stranicu iz **prethodne** verzije Aneksa 3 u kojoj je u tabeli koja se odnosi na nepredviđene radove kao količina stajala 0,00, a što je izmijenjeno izmjenom Tenderske dokumentacije broj: JN1 11-03-26-337-7/25 od 24.02.2026, a koju je, prema evidenciji sa Portala za javne nabavke ponuđač preuzeo.

U skladu sa članom 57 stav (1) Zakona o javnim nabavkama BiH ponuđač je dužan da se pridržava zahtjeva i uslova iz tenderske dokumentacije.

Prema gore navedenom ponuda **nije u skladu sa tenderskom dokumentacijom** te je na osnovu člana 2 stav (1) tačka 1) alineja 3) Zakona o javnim nabavkama BiH Komisija konstatovala da je ponuda **nepravilna**.

2. Ponuda ponuđača: **GALBOLS d.o.o. Sarajevo** je **nepravilna** za ugovorni organ zbog sljedećih razloga:

Ponuđač je na stranici 8 ponude u Obrascu za cijenu ponude – Aneks 3 u dijelu „IV MOLERSKO FARBARSKI RADOVI“ u tabeli pod 2 „Nabavka materijala te molovanje zidova i stropova u toaletima u dva premaza poludisperzivnom bijelom bojom tipa Jupol Classic ili sl“ vršio ispravku jedinične cijene na način da je nanio korektor na prethodnu

cijenu i preko korektora upisao iznos 6,00. Tačkom 8.1.4. Tenderske dokumentacije je definisano da „*ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke*“ te je na osnovu toga ponuđač **nepropisno** izvršio ispravku jedinične cijene u Obrascu za cijenu ponude - Aneks 3.

U skladu sa članom 57 stav (1) Zakona o javnim nabavkama BiH ponuđač je dužan da se pridržava zahtjeva i uslova iz tenderske dokumentacije.

Prema gore navedenom ponuda **nije u skladu sa tenderskom dokumentacijom** te je na osnovu člana 2 stav (1) tačka 1) alineja 3) Zakona o javnim nabavkama BiH Komisija konstatovala da je ponuda **nepravilna**.

3. Ponuda ponuđača: **D&D d.o.o. Sarajevo** je **neprihvatljiva** za ugovorni organ zbog sljedećih razloga:

Ponuđač je na stranici 15 ponude u Obrascu za cijenu ponude – Aneks 3 u dijelu „VIII VODOINSTALATERSKI RADOVI“ u tabeli pod brojem 6 „Nabavka materijala i ugradnja PVC - tvrde kanalizacione cijevi...“ pod ukupno upisao iznos od 210,00 KM koji je pogrešno izračunat jer je kao jedinična cijena upisan iznos od 350,00 KM. Korištenjem računске operacije množenje, a s obzirom na to da je količina 6,00, dolazi se do iznosa od 2.100,00 KM koji treba stajati u polju ukupno.

Shodno tome ukupna cijena ponude bez PDV-a treba da iznosi **87.257,90 KM**.

PDV (17%) na ispravljenu cijenu ponude iznosi: **14.833,84 KM**

Ukupna cijena ponude sa uračunatim PDV-om treba da iznosi: **102.091,74 KM**.

Komisija je dana 11.03.2026. godine uputila ponuđaču Zahtjev za prihvaćanje računске greške u ponudi broj: JN1 11-03-26-337-16/25.

Ponuđač je dana 12.03.2026. godine odgovorio na Zahtjev svojim aktom broj: 16-02-03/26 u kojem je tražio da se ispravi jedinična cijena od 350,00 KM u 35,00 KM jer su pogriješili u pisanju.

Komisija je na to odgovorila dana 12.03.2026. godine aktom broj: JN1 11-03-26-337-18/25 u kojem je obavijestila ponuđača da nije u mogućnosti mijenjati jediničnu cijenu u skladu sa napomenama 3 i 4 u Obrascu za cijenu ponude - Aneks 3, te da ponuđač mora da prihvati ili odbije računsku pogrešku.

Poslije toga ponuđač je poslao e-mail sa tekstom „Saglasni smo“ čime je prihvatio ispravku računске greške.

Nakon ispravke računске greške Komisija je utvrdila da novi iznos ukupne cijene ponude bez PDV-a od **87.257,90 KM** prelazi procijenjenu vrijednost nabavke koja iznosi **85.470,09 KM** bez PDV-a.

Prema gore navedenom Komisija je konstatovala da **cijena ponude prelazi planirana, odnosno obezbijedena novčana sredstva ugovornog organa za nabavku** te je na osnovu člana 2 stav (1) tačka 1) alineja 2) Zakona o javnim nabavkama BiH ponuda **neprihvatljiva**.

Komisija je, također, konstatovala da je u Obrascu za cijenu ponude – Aneks 3 u dijelu koji se odnosi na „WC KRILO 1. SP. DESNO“ pod „VIII VODOINSTALATERSKI RADOVI“ u tabeli pod brojem 14 „Nabavka, doprema te isporuka četke za WC školjku“ pod količinom naveden iznos od 0,00 KM što je stvorilo probleme svim ponuđačima s obzirom na to da u napomeni u Aneksu 3 pod brojem 1 stoji da se „0,00 KM“ neće smatrati cijenom, a rezultat operacije množenja sa nulom je uvijek nula.

Komisija je odlučila da su svi ponuđači imali isti problem te da ne bi diskriminirala ni jednog ponuđača zbog greške Ugovornog organa Komisija nije uzimala u obzir pogreške u ovoj stavci.

U postupku donošenja ove odluke, posebno su cjenjene činjenice da je Komisija, pravilno i potpuno izvršila ocjenu kvalifikovanosti ponuđača u skladu sa kriterijima iz tenderske dokumentacije.

U postupku ocjene provedenog postupka, Rukovodioc ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija pravilno postupala, te da je izbor najpovoljnijeg ponuđača izvršen na osnovu Zakona o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen na osnovu kriterija za dodjelu ugovora „najniža cijena“ nakon završene E-aukcije:

	Naziv ponuđača	Cijena ponude		
		Bez popusta (bez PDV-a)	Popust	Sa popustom (bez PDV-a)
1.	TESLALUKS DOO SARAJEVO	85.464,75 KM	0,1 %	85.379,00 KM
2.	DINALSA D.O.O. SARAJEVO	85.427,48 KM	0,0 %	85.427,48 KM

Iz navedenih razloga, primjenom člana 64. stav (1) tačka b), člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) odlučeno je kao u dispozitivu ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi u roku od 10 dana od dana prijema odluke. Žalba se podnosi putem Ministarstva odbrane Bosne i Hercegovine.

**Dostavljeno:**

- ALPROM d.o.o. Sarajevo  
e-mail: info@alpromdoo.ba,
- Galbols d.o.o. Sarajevo  
e-mail: galbols.sarajevo@gmail.com,
- Dinalsa d.o.o. Sarajevo  
e-mail: info@dinalsa.ba,
- D&D d.o.o. Sarajevo  
e-mail: dd.ilidza@gmail.com,
- TESLALUKS d.o.o. Sarajevo  
e-mail: podraska@teslaluks.ba,
- Ured za odnose sa javnošću MO BiH  
(objava na Web stranici)
- a/a

**MINISTAR**  
**Zukan Helez**